

正定府志卷之四十六

藝文三記

記下

大鳴泉廟記

吳郭勉

重修新樂縣學記

高穀

正定尊經閣記

彭璜

正定重建大成殿記

姚英

重修阜平縣學記

劉定之

重建正定府學記

商賡

重建正定縣明倫堂記

彭華

修河記

金幼孜

縣宰修作記

謝遷

重修元氏縣城記

王鑑之

正定重修文廟記

劉健

滹沱河記

石埭

重修陽和樓記

復拓無極廟學記

增修藁城縣城記

許成名

改修井陘縣學記

費宏

藁城縣新城記

張子麟

重修滹沱河神祠碑記

吳河

正定增廣泮橋記

歐陽喚

文興橋記

羅章

重修晉州文廟記

瞿景淳

藁城科第題名記

尹耕

重修樂城縣城隍廟記

陳九德

重築樂城縣城記

贊皇縣新城記

封龍書院記

魏謙吉

獲鹿縣重修學宮增建尊經閣記

潘晟

改建贊皇學宮記

劉廷元

重修金水河記

智 鎡

重修大鳴泉辣羊神祠記

梁夢龍

新樂縣水利記

重修恒陽書院記

趙南星

重修神武衛公署記

贊皇縣遷學記

獲鹿縣符家莊重修八蜡廟記

孫化龍

重修靈壽縣署記

張 照

復魯柏院記

重修文清書院記

蘇繼歐

行唐縣遷學記

馬從聘

重修靈壽文廟記

牛山察院示後碑記

衛慎固

遊連珠洞記

國朝
董國典

新樂河渠記

林華皖

林河記

石臼山重修文廟記

杜公決

退思堂記

陸隴其

修贊皇石臼山儒學記

成永健

春野農記

復留贊皇記

遊箕山記

行邑雙池記

井陘縣微水太平石橋記

重修正定府廟學記

重修府山亭記

贊皇復初書院碑記

重修新樂八蜡廟記

創建樂城火神廟碑記

張振義

方觀承

鄭大進

黃崗竹

冰廷

祭肯堂

記下

大鳴泉廟記

明郭勉

正定府城西北去一舍近有大鳴韓家曹馬口等泉
凡四五十穴左右有田若干頃藉其浸潤殆無旱歲
頃因兵革之後居民流亡泉壅塞田就荒廢洪武甲
寅春榮祿大夫中書平章李公來鎮是郡奉詔近城
開荒屯田公乃屬其耆老詢遺跡偕正定衛指揮劉
源美懷邵文正定府知府郭勉及其將佐僚屬披荆
棘步荒蕪相陰陽之所宜討泉流之所自令士卒誅
草茅濬淤泥遂得泉流四十餘穴悉復其舊灌漑田

土延袤數十里公曰凡山川之靈血食其地者以功
利之及於物也昔宋潯沱河決堤潰城圯郡守高侯
禱其神而河復西旣立靈源侯之祠矣矧諸泉澤及
一方歲無旱憂荒穢之地轉爲膏腴黍穀實茂離離
蔽野其爲功利也不亦溥乎盍爲廟享以崇報之而
諸泉惟次鳴爲大其功爲最多而其神爲最靈乃於
其上建祠以祀之因勒石以記其事俾後人知泉之
跡感神之功而又爲歲時伏臘報祭之地云

按舊志宋無高姓守郡潯沱在宋亦未視四瀆之封
意祠立於昭祐靈源名神之初訛元爲宋與或宋景
祀尚無封號記作於元至正後合前事並追溯之
鐫於守能禱犯郡之河復西乃無能一道其姓字

重修新樂縣學記

高 穀

正定府新樂縣重修儒學成子友鄧君志宏爲邑宰
走書幣求記其事書云新樂爲正定甲邑人物質朴
風土淳厚勢爽塏夷坦羣峰迤邐自西南來若拱若
抱一水從西北流於前真畿甸之秀麗者舊有學在
縣治東南肇建於唐末五代時廢大觀中再建元季
毀於兵燹國朝洪武三十年知縣郭養恭復之洪武
三十五年又廢至永樂丙申歲知縣王瑛重建於舊
址今數十年矣不無傾圯乃謀於僚屬泊需官師第
邑之耆老胥吏咸曰宜更新焉遂自正統八年之

月興修始大成殿繼明倫堂廡舍衙齋依類次第畢
舉至九年閏七月工竣詳另具狀予惟教化乃治道
之大原庠序爲教化之先務自古及今非有所養育
造就則賢才何由而出非守令作興勸勉則賢才何
由而成非有學校房屋以舍息則賢才奚所依止按
狀享聖有殿從祀有廡旁會饌堂神廚神庫號舍前
爲櫺星門廟之外則明倫堂東西各有齋門垣戶廡
階陛一一稱是今並增之擴之新之制完工固禮樂
詩書之氣昭然在人耳目中矣鄧君賢乎哉

正定尊經閣記

彭時

正定古河朔重地今爲畿南鉅府府之有學歷宋金元屢修屢毀國朝洪武初廟學一新天順己卯推官永寧吳箴復增拓明倫堂爲五間堂左右四齋凡十二間規制勝乎舊矣歲癸未廵按監察御史盧公鵬謁廟畢勸勵師生已而周視後堂有匱列於北牖焉廷頒降御製諸書并五經四書性理大全諸典籍之所在也乃慨然興謀所以庋藏之屬郡之志義者告焉衆畢從具工施材以助公於是營度經畫而知府苗君灝協心贊助擇官吏耆老之勤能者董其役值

明倫堂得隙地因增築其址崇以五尺中爲閣其崇三十有七尺以經籍庋藏其上名曰尊經東西爲樓凡十有四以廣師生講習之所其東曰梯雲西曰步月又附閣左右爲庖廩各三以爲日用之需自始事以至訖工不踰一月而規模壯觀落成之日教授曾君子唯請予記之予惟興學勸士風憲者之當務也盧公之功信不可忘諸君子於其所以揭名示警勵者可不知耶今朝廷進士以易書詩春秋禮記五經爲本而取之必以科目爲重故曰尊經者欲士之來學惟經是崇以求實得於已也樓曰梯雲步月者欲

士之窮經列乎科目以待見用於時也列科目而於經無得則非古之所尚崇經學而不階科目以升則非今之所貴是二者缺一不可其因時開教之意深切矣諸君子自今講習自於斯尚益窮究經旨務體聖賢之道毋翫其華而遺其實乃所謂善學者以是而應當世之求辭藝者實學之發推吾所得見之用則於致君澤民開物成務隨所施爲無不可者其或達經書道幸階科目雖有所爲亦苟焉已耳奚足貴哉予故卽其所名申此爲諸君勸

正定重建大成殿記

姚夔

古者立學必釋奠於先聖先師所以尊德崇道以啟
後學也漢唐以下或以周公爲先聖孔子爲先師或
以孔子爲先聖顏子爲先師禮旣靡常義亦無據洪
惟國朝斟酌古制參義定禮以學宮廸德之地聖以
德言師以道言道德之盛莫如孔子前乎周公在七
聖君臣之會不宜以先聖祀於學後乎顏子在四科
弟子之列不宜以先師號於廟惟孔子道大德全而
不得君師之位以行堯舜禹湯文武周公之政教於
天下於是著之易詩書禮樂之文以明父子君臣夫

婦長幼朋友之倫修身齊家治國平天下之術使天下萬世知堯舜禹湯文武周公之道被其澤於無窮故制自國以及天下府州縣莫不有學學必有廟廟必祀孔子祀必以王禮而顏曾思孟四子配焉其餘七十子從祀於殿廡之間秩如也禮明義正誠足以洗前代之陋於戲盛哉正定甸南大郡學廟自國初設置迄今百年日入於敝天順七年冬關右邢侯簡由秋官來守觀廟宇弗稱亟圖修舉士大夫聞而興趨焉財不賦而募工不訓而集首事於大成殿閱月而成隆以獸脊覆以琉璃臺陛欄楯巍如煥如次闕

兩廡爲十四楹作大成櫺星二門各三楹高廣倍於
舊以至更衣有堂儲器有庫庖湍宰牧有所碑樓廟
表規制宏傑畿內曾未有過於此也功成請予文勒
石於廟予嘗見侯之善政卓越已蒙朝廷旌異之典
可書者不止新廟學一事而新廟學實爲善政之首
於是乎書